

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Promptvarii exequialis pars ...

Continens centurias II. dispositionum, quibus themata funebria sive
scripturae dicta varia ...

Bidembach, Felix

Francofurti, 1625

Thema LXXV.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

III. Pars.

Qua ratione autem Colossenses hæc tanta beneficia acquisierint probe notandum. Factum, id est, mediante Christo, cum quo, siue per quem, sunt viuificati. Propter illum etiam condonata peccata. Quomodo?

1. Quod is deleuit chirographum scriptum contra nos. Decreta & legem Decalogi intelligit, quibus lex nos peccati reos agebat. Hoc chirographum cōtra nos scriptum Christus deleuit suo sanguine, ne posset nos conuincere.

2. Ne tamen deleuit, sed & plane sustulit è medio, ne veniret in conspectum iudicis, atq; cruci suæ affixit. Hoc est, Christus in cruce vna litura deleuit peccata, sustulit, & in cruce reliquit affixa: dum pro nobis factus fuit maledictum, Gal. 3. v. 13.

1. Maior consolatio vix esse potest homini de peccatis tentato, quam hæc ipsa: quod omnia condonata, per Christum deleta, sublata sint è medio. Idem Mich. 7. v. 19. In profundum maris demersa. Nunquam desperabit, qui hæc & similia (vt sunt, Psal. 103. v. 12. Esa. 44. v. 22) fidei corde meditatatur.

Faciunt autem hæc pro pœnitentibus & credentibus. Cæteris valet id, Psal. 90. v. 8. Statuisti in lucem.

F I N I S.

THEMA LXXV.

Coloss. 3.

Superna curate non terrestria. Emortui enim estis & vita vestra abscondita est cum Christo, in Deo. Quandoque Christus manifestatus fuerit, vita nostra, tunc & vos cum illo man festabimini in gloria.

D I S P O S I T I O.

Tria sunt in his verbis Pauli, quæ accuratori explanatione opus habere videntur: cum prima fronte quadam

Ss appa.

appareant partim seruatu difficilia, partim absurda, partim admodum dubia, quæ hic audimus à Paulo.

Primo cum Paulus vult nos plane valedicere rebus terrenis, & quærere superna, quod in his terris carni & sanguini admodum graue est.

Deinde rationem præcedentis redditurus dicit nos iam esse mortuos, cum tamen viuamus.

Tertio, tum demum vitam nostram esse reuelandam quando Christus aduenerit, ait. At si hæc singula probe considerauerimus, patebit hunc locum singulari doctrina, necessaria admonitione, & iucunda consolatione, non carere. Igitur illa tria membra ordine tractabimus.

I. Pars.

Superna quærite non quæ in terris sunt, ait. Quomodo hoc poterimus facere, qui sumus in terris? An non quærendus victus labore manuum? Psal. 128. v. 2. An non curandi domestici? 1. Tim. 5. v. 8. An non liberis thesaurizare debent parentes? 2. Cor. 12. v. 14. Itæ sane. Neque hoc prohibet scriptura si rite quæratur.

At terrena non sic quærenda vt negligantur superna: sed primum quærenda superna. Sicut Christus hoc explicat nobis: Matt. 6. v. 33 Per superna intelligit cœlestia, regnū Dei & iustitiam eius & omnia quæ ad regnum Dei pertinent, vt sunt pax & gaudium in Spiritu sancto, Rom. 14. versic. 7.

Et hæc sunt quærenda. Dann stelsassen vns nicht selber nach. Ideo Christus Matt. 6. Trachtet darnach.

L. Discimus, à via veritatis longe aberrare eos, qui tantum sapiunt τὰ ἐπιγινῶσκειν, Phil. 3. v. 19. quod prohi dolor multi faciunt quorum Deus vel venter est, vel Mammon, Mat. 6. v. 24. Non possumus autem Deo simul & Mammonæ seruire. Exempla Nabal. 1. Sam. 25. Diues Luc. 12. v. 19. & alterille, Luc. 17. v. 19. Ab ethnicis hoc illi didicerunt dicentibus: o ciues quærenda pecunia primum &c. At finis est interitus. Phil. 3. v. 19. Vide de his, Psal. 39. v. 12. & seq. vsq. ad finem.

II. Pars.

II. Pars.

Quare non sunt querenda terrena, sed magis celestia? Audi Paulum Quia estis mortui. Quid hoc rei? Nunquid viuimus, alioquin terrena amplius non quereremus. Respondet Paulus: uiuitis quidem corpore, sed vita uestra abscondita est in Deo cum Christo.

Hoc uult, primum, vos estis mortui mundo & peccatis, Sicut & Rom. 6 v. 11. habetur. Quemadmodum enim mortui mundanis negotiis & peccatis non amplius sunt implicati, ita pii selecti à mundo Ioh. 15. v. 19. non occupantur mundanis rebus & peccatis: sed nouam uiuunt vitam Deo placentem. Hoc uocat Paulus, in nouitate uitæ ambulare, Rom 6.

2. Abscondita uero dicitur uita Christianorum, in Deo quia illorum uita spiritalis (quomodo scilicet Deo uiuant & seruiant) coram mundo est mysterium absconditum. Die Welt versthet sich nichts darumb. At Deus nouit quomodo ipsi uiuant pii.

L. Sæpius scriptura nos admonet, quod simus mortui Rom. 6. v. 2. Col. 2. v. 20. 2. Pet. 2. v. 24. Sepulti, Rom. 6. v. 4. atq; consepulti Christo. Ibid. v. 5. mundo crucifixi, Rom. 6. v. 6. Gal. 6. v. 14. ut intelligamus, non debere nos amplius uiuere cum mundo, & nos conformare huic seculo, Rom. 12. v. 2. sed transformare potius per renouationem mentis. Sicut enim mortuus iustificatus est à peccato, Rom. 6. v. 6. ita reputate uos ipsos mortuos quidem esse peccato, uiuere autem Deo, inquit Paulus Ibidem v. 11. Et in illo capite hæc materiam copiose & eleganter tractat, & ex hoc concludit, Non debere peccatum regnare in mortali corpore. v. 12.

III. Pars.

Si non licet (iniquat aliquis) nobis qui in terris sumus uiuere cum terrenis, quam erimus miseri? Si tanquam mortui iater uiuentes oberrauerimus, quam male nobiscum

biscum ageretur? Respondet Paulus: viuetis aliquando & vos, & vere tum viuetis. Quando Christus. [qui vita vestra est] manifestabitur, etiam vos cum ipso manifestabimini. Ibi omnibus notum fiet, quod viuat, & quidem cum Christo in magna gloria. Tunc coram omnibus Angelis & electis apparebitis viui, & manifesta fiet vestra fides & patientia. Darumb löndt ihr euch jezund wol ein kleine weil htmunder rucken vnd schmücken/te.

L. Magna hæc est piis consolatio, qui coram mundo sunt semper tanquam oues occisionis, Rom. 8. v. 36 mortificati, 2. Cor. 6. v. 9. Vide 1. Cor. 4. v. 9. & seq & 2. Cor. 4. v. 8 Sed ecce viuunt, quia Christus ipsis vita est. Hanc ob causam non afflictiones tantum huius mundi, sed ipsam mortem patienter ferre possunt: quia Christus vita ipsis est, Joh. 11. v. 25. & 14. v. 6. Et Joh. 14. v. 19. Viuo ego & vos viuetis. Sic Paulus, Phil. 1. v. 21. Mihi vita Christus.

Licet autem in hoc mundo mortui potius habeantur quam viui, manifestabuntur tamen vitam cum Christo. Sicut Christus tertia die apparuit viuus. Act. 1. v. 3. ita etiam fiet de electis. Itaque dicendum, Pl. 118. v. 17. Non moriar, sed vitam. Quia Christus mihi vita.

Ergo mors lucrum. Cogita de gloria reuelanda. De qua hic & Rom. 8. v. 18.

F I N I S.

T H E M A LXXVI.

1. Theff. 4.

Nolo vos ignorare fratres, de iis qui obdormierunt, ne doleris sicut & ceteri qui spem non habent. Nam si credimus quod Iesus mortuus est & resurrexit, sic & Deus eos qui obdormierunt per Iesum, adducet cum illo.

Hoc enim vobis dicimus in verbo Domini, quod nos qui viuimus & reliqui erimus, in aduentum Domini nequaquam